



~~Geschichte~~

~~II.~~

~~II.~~

24

Ne

zu 00

viel Angebundene

R

(1-24)

Neue Zeitung aus Ungern.

# Kurtzer Bericht / der

bey dem Marckt Siro / in Obern Hun-  
gern / von dem Deutschen vnd Ungerischen Kriegs-  
volck zu Ross / bey 1700. vnd der Türcken / so an-  
fangs (wie die Gefangenen selbs bekandt) 8000.  
hernach gar 11000. starck worden / vnd sich / den  
Obern Krafft Ungern zuuerheren versamlet /  
den 8. Octobris / Anno 1588.  
gehaltenen Schlacht.



Matth. 24. Cap.

Ihr werdet hören Kriege / vnd geschrey von Kriegen /  
Sehet zu / vnd erschreckt nicht / das muß zum ersten  
alles geschehen / ꝛ.

**D**en 5. vnd 6. Octob. ist nach Cascha Zeitung kommen / das sich die Türcken zu Billeg bey etlichen Tausende samlen vnd heuffen / in willens / ein Streiff in Ober Hungern zuthun / Wohin aber / oder auff welches Haus / solch ihr Intent gerichtet / hat man damals nicht eigentlich wissen mögen.

Den 7. dis hat man wider kundtschafft / das die Türcken gesinnet / das Castell Pudeneg einzunemen / seind auch allbereyt zu nechst darbey gewesen / vber Nacht daselbst gelegen / vnd hinein entbieten lassen / sie solten dasselbige auffgeben : Im fall sie es thieten / so solte inen mit irem Haab vnd Gut frey / sicher abzuziehen zugelassen : In widrigem fall / das Castell in grundt niedergeschossen / vnd mit Feuer verbrenndt / auch das Kindt in Mutter Leibe nicht verschonet werden. Unser Kriegsvolk so in eyl zusamen kommen mögen / ist zu Sendre / bis man vernemen können / wo der Feind eigentlich hinauff wolte / vnd daselbst erwartet. Den 7. dis / sind die Türcken so forth geruckt / vnd auff Zairo S. Peter zugezogen / vnd daselbst vber Nacht gelegen. Nachfolgenden 8. dis / sind sie mit hellem Hauffen / vnd irer ganken Nacht auff Sixo zugeruckt / vnd daselbst gegen den Abend / als der Sonnenschein begunnen vnterzugehen / ankomen / die Kirchen mit dem Feldgeschütz / so sie mitgeföhret / beschossen / vnd alsdann dieselbe sampt dem Markt in den Brandt gesteckt / Die zu Ross / vnd die Janitschären zu Fuß / haben sich mit irem Feldgeschütz / alsbald zu irer Feldschlachtordnung gestellet / darauff vnser Kriegsvolk dessen vber 1700. Man in allem zu Ross nicht gewesen / Vnd gleichesfals bald darnach hin gen Sixo ankomen / ire Schlachtordnung folgens der massen gemacht / Als nemlich / die 800. Hussaren zu Feld / so Kaiserin Michael geföhret / vñ die S. Andreer in der mitten / Auff der rechten Seythen die Arcabusirer / Roth vnd Gelbe

Gelbröckel/ Auff der linken Seyten die Schwarzen Deuts-  
schen Reuter/ vnd neben inen die Weißröckel/ von S. Andre  
geritten gewesen. Als nun die vnserigen in solcher irer Ors-  
denunge auff den Feind / vnd mit nechstem auff den Hauptz  
fahn zugeruckt/ ist er gar steiff in seiner Ordnung verblieben/  
vnd keinen Fuß fortgesetzt/ Welchs sonst der Türcken brauch  
gar nicht ist/ biß die vnserigen gar hart auff sie gestossen / vnd  
auff sie loß zubrennen angefangen / Darauff ist alsbald der  
Türcken Feldgeschütze/ so sie mit sich gehabt/ vnd auff der  
Türcken Seyten gestellet / welches die vnserigen nicht ge-  
wust / vnd wegen der vorstehenden Nacht halben nicht sehen  
können / allein von der Brunst ein wenig Liecht gehabt / ab-  
gangen/ vnd vnter den Weißröckeln/ welche zu negst auff der  
selben Seyten gestellet gewesen/ grossen schaden gethan. Als  
nun die Vnserigen in gedachter Ordnung stark in sie gese-  
set / vnd vermeinen sich durch den hellen Hauffen hindurch  
zuschlagen / haben sich die Janitschären / welche in grosser  
anzahl gewest / auff die rechte Handt / vnd vnter den Gelb  
vnd Roth Röckel zu / herum geschweiff vnd sie umbzogen/  
Doch vnuerwandt irer Schlachtordnung/ den Vnserigen/  
auff derselben Seyten/ mit ihrem schießen auch grossen schas-  
den zugefüget / sie gar vmbbringet vnd vmbfangen / sie der-  
massen bedrenget / das sie nach erstem gethanen abschießen/  
zu keiner Ladung mehr haben kömten können.

Auff solches hat der Herr Ragusi Sigmund/ Oberster  
zu Erlaw/ mit seinem vñ vnserm Rest der Hussarn/ den Vns-  
fern nach / vnd in den hellen Hauffen hinder dem Geschütze  
hergesehet / dem Feinde alsbald das Geschütze abgewendet/  
mit gewalt auff in gedrungen/ vñ sich mit obbemelten Deuts-  
schen Arcabusiren vnd Hussaren zweymal durchgeschlagen/  
Das letzlich die Türcken auff etliche Orth gedrungen / vnd  
alles vntereinander der gestalt vermischet worden / das kein

Thetl weder der Unserigen/noch der Türcken bewust / welche obgesieget.

Hernacher hat sich noch ein Hauffen der Unsern frisch gefunden / zu welchen noch etliche / so zutrennet / gestossen / sich wider gewendet / vñ mit freyem Muth auff die Türcken geschlagen / vnd inen das Herze genommen / das sie sich in die Flucht begeben / Welche nachmalen dermassen hin vnd wider zerstreuet vnd verjagt worden / das man sie des Morgens frühe an allen Orthen auffgeklaubet vñ gefunden hat. Auff der Waldstadt sein nach verbrachten Schlacht vber die 1200. Türkische Köpffe alsbald gefunden worden. Herz Ragosi Sigmund / hat auff des gefangenen Bascha von Offen Thiaia oder Hoffmeister / so das Felde geführt / außsage vnd bekendnuß / das der Bascha von Temeswar vnd Becke von Zula / auch zugleich außziehen sollen / Aber der Zeit vnd des Tages verfehlet / nicht lange saumen dörrffen / sondern widerumb nach Erlaw / am Sontage nach geschenehen Schlacht / mit den seinigen verreyset / Auch vber 200. lebendige Türcken / sampt dem Thiaia mit sich geführt. Herr Stephan Drugot de Plommonai / hat auch bey 100. Gefangener nach Haus geführt.

Die Unserigen haben inen auff drey Meylen nachgejagt / vnd jr viel erlegt vnd gefangen. Zu Sendre seind auch bishero vber 60. lebendige Türcken / vnd vber 100. Köpffe eingebracht / Das also der Türcken schon biß Dato / außser deren so im nachjagen / von dem Kriegß vnd Landtvolcke erdapt worden / bey 3000. blieben. Vier Stücke Feldgeschütze / sampt einer grossen anzal Wagen / darauff die Türcken allerley Prouiant / von geschlachten Fleisch / Ochsenzungen / Honig / vnd dergleichen gehabt / vnd hinter inen lassen müssen / den Unsern auch blieben. Der unsern Deutschen Reuter / welches gleichwol eigentlich nicht bewust / sollen bey  
60. Mann /

60. Mann/der Arcabusirer bey 60. Mann/ vnd der Hussa-  
ren allenthalben bey 250. blieben sein.

Es ist auch zu Wien gewisse Zeitunge kommen / das 2.  
Begen auff dem Platz blieben / Der dritte mit dreyen tödtli-  
chen Wunden / vnd einem Schuß an die Brust / darvon kom-  
men sey.

Verzeichnuß der Deutschen vnd Arcabu-  
sierer Pferden / Als Adels Personen / vnd dero-  
selben etliche Diener / so in diesem Treffen  
blieben seind.

### Von den Gelb Röckel.

Leutenant Hefele / selb	2.
Hans von Keybnitz / Sendorich / selb	5.
Michel Just	1.
Georgi Kamisch	1.
Quitto / selb	2.
Marcus Kausches Knecht	1.
Andres Samff	1.
Gottfried Ribisch Knecht	1.
Fausdorff / selb	2.
Heeton Scharliky / selb	2.
Des von Kottel Knecht	1.
Don Hochstetter	1.
Hans Titz	1.

A iij

Niclas

Niclas Brauneck	1.
Michel Schmid	1.
Felix Tammerer	1.
Wolff. Kumat/ selb	2.

Summa 26.

### Von den Roth Rößeln.

Hauptman Keybnitz/ selb	2.
Der Leutenant Hans von Nimptsch selb	4.
Christoff Braugitsch Fendrich/ sampt der Fahn/ selb	4.
Paul Grüber Bachmeister/ selb	3.
Gaspar von Walde/ selb	2.
Jochim von Grünberg/ selb	2.
Baltzar Hirchen Knecht	1.
Des von Tschirn Hauptknecht	1.
Heinrich Studnitz Knecht	1.
Heinrich Gautschke	1.
Dionisy von Dobritz	1.
George Seydel	1.
Mattes Adler	1.
Hans Hellman	1.
Gaspar Han/ Trometer	1.
Christoff	

Christoff Weinzirer 1.  
Hans Rechenberg/ Trometer 1.  
Surirers Georgi Lorchners Knecht 1.

Summa 29.

### Von den Schwarzen Reutern.

Balkar Dier / Wachmeister.	Melchior Trometer.
Heinrich Baruch.	Georgi Trometer.
Adam Wosche.	Ernst Dier.
Hans Gauschke.	Paul Kemfy.
Hans Poser.	Joachim Feldscherer.
Balkar von Reideburg.	Escherin / des H. Girky Dienner.
Hans Oderwolff.	Beschorn.
Leonhart Scoppe.	Balkar Poser.
Heinrich Polschwiz.	Frölich.
Jacob Schmidt	Cunrad Dietrich Besold.

Summa 20.

Wie viel der Knechte sonst geblieben/  
ist noch vnwissendt,

Faint, illegible text at the top of the page, possibly bleed-through from the reverse side.

Faint, illegible text in the upper middle section.

Faint, illegible text in the middle section.

Faint, illegible text in the lower middle section.

Faint, illegible text in the lower section.


Faint, illegible text near the bottom of the page.

Faint, illegible text at the very bottom of the page.









Neue Zeitung aus Ungern.

# Kurtzer Bericht / der

bey dem Marckt Siro / in Obern Hun-  
gern / von dem Deutschen vnd Ungerischen Kriegs-  
volck zu Kosz / bey 1700. vnd der Türcken / so an-  
fangs (wie die Gefangenen selbs bekandt) 8000.  
hernach gar 11000. starck worden / vnd sich / den  
Obern Krausz Ungern zuuerheren versamlet /  
den 8. Octobris / Anno 1588.  
gehaltenen Schlacht.



Matth. 24. Cap.

Ihr werdet hören Kriege / vnd geschrey von Kriegen /  
Sehet zu / vnd erschreckt nicht / das muß zum ersten  
alles geschehen / ꝛ.

